

दिनांक 07.01.2025

समय: 18.45 बजे

- मुख्य चुणाव आयुक्त राजीव कुमार ईवीएम ने फूलपूफ डिवाइस बताता गैर वोटिंग रा अंदेशा ने नकार्या।
- राज्य री नुवी मतदाता सूची मांय वोटर तादाद बधने 5 करोड़ 45 लाख ऊं बत्ती व्ही—मतदाता लैंगिक अनुपात मांय ई सुधार।
- स्वास्थ्य मंत्रालय एचएमपीवी ने देखता राज्यां ने घणा सांस रा संक्रमण माथे निगे मज़बूत करण री सलाह दी।
- जयपुर मांय काले ऊं राज्य थर रा युवा महोत्सव री सरुआत—12 जनवरी तांई न्यारा—न्यारा आयोजन व्हेला।
- प्रदेश मांय आवता दो दिनां मांय तापमान मांय और कमी आवण रा आसार—कोहरा ऊं सड़क, रेल अर हवाई यातायात माथे असर।

000

मुख्य चुनाव आयुक्त राजीव कुमार कयो है के ई.वी.एम. फुलपूफ डिवाइस है। इण मांय गैर वोट रो अंदेशो नी है। श्री कुमार नुवी दिल्ली मांय चुणाव महकमां कानी ऊं व्हया खबर नवीसां रा सम्मेलण मांय बोल रहया हा। मुख्य चुनाव आयुक्त ई.वी.एम. माथे उठायी ज्या न्यारा—न्यारा सवालां ई जवाब दिया।

.....

मुख्य चुनाव आयुक्त दिल्ली विधानसभा चुणाव कार्यक्रम रो ऐलाण करता बतायो के सगळा 70 सीटां माथे पांच फरवरी ने वोट पडेला अर 8 फरवरी ने वोटां री गिणती व्हेला।

000

प्रदेश मांय मतदातावां री तादाद बधने 5 करोड़ 45 लाख 69 हजार 501 व्हे र्यी है। 200 चुणाव हलकां मांय 2 करोड़ 82 लाख 46 हजार 146 पुरुष अर 2 करोड़ 63 लाख 22 हजार 684 महिला मतदाता अर 671 थर्ड जेंडर वोटर रा नाम दर्ज है। खास संक्षिप्त पुनरीक्षण कार्यक्रम रे पछे आज चुणाव महकमो मतदाता सूचियां रो आखिरी प्रकाशन कर दियो है। मुख्य चुणाव अहलकार नवीन महाजन बतायो के लारली साल अक्टूबर महीना मांय प्रारूप मतदाता सूचियां छपीजण रे पछे संक्षिप्त पुनरीक्षण कार्यक्रम रे दौरान 13 लाख ऊं बत्ती वोट दे सकण वाला रा नाम जोड़ी ज्या है। वणा कयो के सूचियां मुजब पंजीकृत मतदातावां रा लैंगिक अनुपात मांय घणो सुधार व्हीयो है।

.....

000

केंद्रीय स्वास्थ्य सचिव पुण्य सलिला श्रीवास्तव कहयो के ह्यूमन मेटा न्यूमो वायरस—एच.एम.पी.वी. ऊं लोगां ने घबरावण री जरूरत नी है। राज्यां अर केंद्र शासित प्रदेशां रे साथै वीडियों कॉन्फ्रेस री मार्फत वणा आ बात कही। केन्द्रीय स्वास्थ्य सचिव मीटिंग मांय सांस ऊं जुड़ी बीमारियां रा हालात अर सार्वजनिक स्वास्थ्य उपाया री समीक्षा ई करी। वणा राज्यां ने इन्फ्लुएंजा जैसी बीमारी अर चिंता जोग सांस रा संक्रमण माथे निजर मजबूत करण री सलाह दी।

.....

अठिने चिकित्सा मंत्री गजेन्द्र सिंह खींवसर कहयो है के राज्य री स्वास्थ्य प्रणालियाँ अर निगरानी नेटवर्क सावचेत है। वणा कहयो के स्वास्थ्य ऊं जुड़ी किणी ई चुनौती ऊं तुरत निपटण री सगळी तैयारियां तय करी जावे। कई ज़िला कलेक्टरां ई ई बारा मांय मीटिंग करी। भीलवाड़ा मांय चिकित्सा महकमा कानी ऊं जिला कंट्रोल रूम ई बणायी ज्यो है।

000

प्रदेश मांय गणतंत्र दिवस रो राज्य थर रो ज़बसा रो ई बार उदयपुर मांय आयोजन होवण जा रियो है। मुख्यमंत्री भजनलाल शर्मा आज ज़बसा री तैयारियां रा बारा मांय समीक्षा मीटिंग करी।

ਮੁਖਯਮੰਤ੍ਰੀ ਰੇਹਵਾਸ ਮਾਥੇ ਵੀਂ ਈ ਮੀਟਿੰਗ ਮਾਂਧ ਸ਼੍ਰੀ ਰਾਮਾ ਅਹਲਕਾਰਾਂ ਨੇ ਜਲਸਾ ਰਾ ਸਗੋਂ ਬਨਦੋਵਸ਼ਤ ਸੁਚਾਰੂ ਕਰਣ ਅਤੇ ਚਾਇਜਤਾ ਹਿਫਾਜਤੀ ਬਨਦੋਵਸ਼ਤ ਕਰਣ ਰਾ ਨਿਰੰਦੇਸ਼ ਈ ਦਿਯਾ।

000

अजमेर मांय चाल रह्या सूफी संत ख्वाजा मोईनुद्दीन हसन चिश्ती रा 813वां उर्स मांय आज मुख्यमंत्री भजनलाल शर्मा कानी ऊं चादर पेश करीजी। भाजपा अल्पसंख्यक मोर्चा रा प्रदेश अध्यक्ष हमीद खां मेवाती आ चादर चढ़ाई।

000

जयपुर मांय काले ऊं राज्य थर रा युवा महोत्सव री शुरूआत होवण जाय री है। ओ महोत्सव 12 जनवरी ताईं चालेला। महोत्सव रो मसौदो थीम विज्ञान, प्रौद्योगिकी अर नवाचार रखी ज्यो है। ई दौरान न्यारी-न्यारी होड़ा अर कार्यक्रम व्हेला। युवा मामला अर खेल मंत्री कर्नल राज्यवर्द्धन राठौड़ आज महकमां रा अहलकारां साथै महोत्सव री तैयारियां रो जायजो लियो। और ब्यौरो म्हारा खबरनवीस ऊं-

.....

000

नुवी दिल्ली रा भारत मंडपम मांय आज राज्यां अर केन्द्र शासित प्रदेशां रा परिवहन मंत्रियां री मीटिंग व्ही। केन्द्रीय सड़क परिवहन अर राजमार्ग मंत्री नितिन गडकरी इण री सदारत करी। श्री गडकरी सोशल मीडिया पोस्ट मांय कहयो के बदलती परिवहन नीतियां ने बरोबर रूप ऊं लागू करण सारू इण तरह री बतळ जरुरी है। उपमुख्यमंत्री अर राज्य रा परिवहन मंत्री डॉ. प्रेमचंद बैरवा ई मीटिंग मांय भेळा व्हया। सोशल मीडिया पोस्ट मांय डॉ. बैरवा लिख्यो के ई बैठक मांय राष्ट्रीय परिवहन नीति, सड़क सुरक्षा रा ठावा तरीका अर परिवहन हलका मांय डिजिटल निपटारा माथे बतळ करीजी। साथे ई वाहनां रा प्रदूषण माथे काबू करण, ईधन खमता मांय सुधार अर सार्वजनिक परिवहन ने और मजबूत बणावण रा बारा मांय ई बतळ करीजी।

000

राज्य मांय सड़क सुरक्षा म्हीना रे तैत केई जाग जगावण वाळा कार्यक्रम व्हे रिया है। ई कड़ी मांय आज भरतपुर मांय कलाकारां नुक्कड़ नाटक रे मार्फत यातायात नियमां री पालना करण री सीख दी। पाली मांय वाहन चालकां ने यातायात जागरुकता सामग्री बांटी ज्यी। साथे ई जाडन टोल प्लाजा माथे वाहन चालकां री आंख्यां अर सेहत जांच करीजी। वां ने मुफ्त चश्मा ई बांटी ज्या। ढूंगरपुर मांय परिवहन अर पुलिस महकमा कानी ऊं बाइक रैली निकाळी ज्यी।

000

प्रदेश मांय आवता दो दिनां मांय तापमान मांय कमी आवण रा आसार है। मौसम विभाग मुजब्ब कमती रा तापमान मांय 2 ऊं 4 डिग्री सेल्सियस री कमी आ सके है। वठे ई बीकानेर, जयपुर अर भरतपुर संभाग मांय कठे-ई-कठे सीळो बायरो चालण री आस है।

इण रे साथे ही 8 ऊं 10 जनवरी तांड़ि उदयपुर अर कोटा संभाग रा ज़िला मांय ई सीळा बायरा रो असर रह सके है। ई बीचे आज नागौर मांय करड़ी ठण्ड रो असर रीयो अर कमती रो तापमान 2 दशमलव 5 डिग्री सेल्सियस रिकॉर्ड व्हयो। सिरोही, भीलवाडा, चित्तौडगढ, दौसा, जालौर, पिलानी, बीकानेर, जोधपुर अर जैसलमेर मांय कमती रो तापमान 7 डिग्री सेल्सियस ऊं नीचे रीयो। केर्ड ठौड़ां घणी धूअर छायी ज्यी री। उत्तर-पश्चिम रेलवे रा मुख्य जनसम्पर्क अहलकार शशि किरण बतायो के कोहरा रे कारण केर्ड रेलगाडियां देरी ऊं चाल री है।

.....

हवाई यातायात माथे ई इण रो असर दिख्यो। जयपुर मांय कोहरा रे कारण लगातार उड़ानां रो बगत बिंगड़ रीयो है। ई कारण गुजरी रात अर आज सवारा जयपुर एयरपोर्ट ऊं 11 उड़नां आप रा तैय वक्त माथे नी तो आय सकी अर नी उड़ान भर सकी। न्यारा-न्यारा बगत माथे दिल्ली बेंगलुरु, मुंबई, गोवा अर दुबई सारु उड़ानां बगतसर नी जा सकी। वठे ई कुछ उड़ाना आप रा तय बगत माथे नी उतर सकी। ई कारण घणी तादादर मांय यात्रियां ने जयपुर हवाई अड्डा माथे परेशान व्हणो पड़्यो। राज्य मांय ठण्ड रा तीखा तेवर देखता स्कूलां मांय सर्दी री छुट्टीयां बधा दीरीजी है। ठण्ड रे कारण कोई 20 जिलां रा स्कूलां मांय छुट्टी कर दीरीजी है। माध्यमिक शिक्षा निदेशक आशीष सोदी हुकम काढ ने ज़िलां क्लेक्टरां ने 11 जनवरी तांई छुट्टी ऐलाण करण सारु मुकर कर्या है।

ਬਾਡੇ ਮੇਰੇ ਮਾਂਧ ਕਾਲੇ ਊਂ ਸਾਹਿਤਿਧ ਉਤਸਵ ਰੀ ਸਰੂਆਤ ਹੋਵਣ ਜਾਧ ਰੀ ਹੈ। ਈ ਦੌਰਾਨ ਪੁਸ਼ਟਕ ਮੇਲੇ ਈ ਲਗਾਯੋ ਜਾਏਲਾ। ਉਤਸਵ ਮਾਂਧ ਥਾਰ ਚੌਪਾਲ ਅਤ ਸ਼ਿਕਾਕ ਸੇਮੀਨਾਰ ਰੇ ਅਲਾਵਾ ਲੋਕ ਕਲਾਕਾਰਾਂ ਰੀ ਸਾਂਸਕ੍ਰਤਿਕ ਪ੍ਰਸ਼ਤੁਤਿਆਂ ਈ ਵੱਲਾ। ਮਹਾਰਾ ਖਬਰਨਵੀਸ ਬਤਾਯੋ ਕੇ ਸ਼ਿਕਾ ਮਹਕਮਾ ਕਾਨੀ ਊਂ ਵੱਡੇ ਰਿਧਾ ਈ ਆਯੋਜਨ ਨੇ ਲੇ ਰ ਸਾਹਿਤਿਧ ਅਤ ਕਲਾ ਪ੍ਰੇਮਿਆਂ ਮਾਂਧ ਤਮਾਵ ਹੈ।